

## Yu redi long disasta?

Weda nogut tru inap kamap enitaim long yia long Queensland na i ken givim hevi long yu na long famili bilong yu na bagarapim propeti. Ol dispela kain weda nogut i olsem strongpela win na ren, taitwara, saiklon, guria, o buspaia.

Yumi no inap kontrolim weda, tasol yumi ken redi long en.

Taim disasta i no kamap yet, sekim olsem yu gat:

- ✓ imejensi plen bilong helpim yu na famili bilong yu, na ol animel yu save lukautim
- ✓ lista bilong imejensi kontek
- ✓ insuerens long nau
- ✓ beg bilong imejensi kit

Bilong kisim moa infomesen na savetingting long redim yu long disasta, lukim [www.getready.qld.gov.au](http://www.getready.qld.gov.au)

## Yu kisim helpim we bihain long disasta i kamap?

**Taim disasta i givim hevi long ol manmeri, gavman na ol oganaisesen we i no save kisim winmani i save helpim ol long kisim bel isi na ol samting ol i nidim.**

### Givim sapot long wan wan man na wok kaunseling

Planti manmeri i save kisim kain kain tingting na filings bihain long disasta. Sapos yu belhevi na pilim hatwok, ol i ken givim helpim na bai yu ken i stap gut.

Kisim helpim sapos yu, famili bilong yu o pren i:

- wari, tingting planti, o bel i no i stap gut
- pilim taiet, kros o luksave olsem senis i kamap long laik bilong yu long kaikai o hau yu slip
- luksave long ol senis i kamap long sampela pasin olsem kisim moa alkohol o ol narapela drag o i stap wanpis
- nidim wanpela man o meri long harim stori em yu o em bai kamapim.

### Ol kontek bilong givim sapot long wan wan man na wok kaunseling

- Lifeline Australia (kaunseling) – **13 11 14**
- Australian Red Cross – **1800 733 111**
- St. Vincent de Paul – **13 18 12**
- Queensland Health – **13 HEALTH (13 43 25 84)**
- Housing Assistance – **13 QGOV (13 74 68)**
- State Emergency Service (SES) – **13 25 00**
- Community Recovery Hotline – **1800 173 349**

Bilong painim ol kontek bilong komiuniti sapot sevis yu ken kisim long hap bilong yu na long ol narapela hap, lukim [www.qld.gov.au/disasterhelp](http://www.qld.gov.au/disasterhelp) na taipim 'regional community support' na painim.

## Helpim long mani

**Sapos disasta i mekim na yu kisim hevi long sait bilong mani, yu ken kisim helpim long mani na ol sapot sevis bilong en.**

Em wanpela helpim yu ken kisim long Disaster Recovery Funding Arrangements (DRFA), em Commonwealth-State i wok wantaim long givim sapot long sait bilong mani.

## Ol Grant\*

- ✓ **Imejensi Hadsip Asistans (Emergency Hardship Assistance)** – em bilong helpim ol manmeri long hap we disasta i wok long kamap na bai ol i ken kisim ol samting ol i mas kisim hariap olsem ol kaikai, klos, marasin, na tritmen.
- ✓ **Esensiel Haushold konten Grant (Essential Household Contents Grant)** – em bilong helpim ol manmeri husat i stap long hap we disasta i wok long kamap na i no gat insuerens o i no inap kleim insuerens bilong senisim wantaim esensiel Haushold konten.
- ✓ **Esensiel Sevis Seifti na Rikoneksen Grant (Essential Services Safety and Reconnection Grant)** – em bilong helpim ol manmeri husat i stap long hap we disasta i wok long kamap long konektim gen ol bikpela sevis olsem pawa, ges, wara, seweji o sptik sistem.
- ✓ **Esensiel Sevis Hadsip Asistans Grant (Essential Services Hardship Assistance Grant)** – em bilong givim sapot long ol manmeri em disasta i givim stret hevi long ol long kisim ol samting em ol i mas kisim nau tasol taim ol bikpela sevis i bagarap i stap inap 5-pela de o moa.
- ✓ **Struktural Asistans Grant (Structural Assistance Grant)** – em bilong helpim ol manmeri husat i stap long hap we disasta i wok long kamap na bai ol i ken stretim gut ol haus bilong ol na ol dispela haus i ken i stap gut na seif long sindaun long en.

\*I gat ol mak ol i mas winim

Bilong painimaut yu ken kisim wanem grant long hap bilong yu na luksave olsem yu winim ol mak bilong kisim ol grant, lukim [www.qld.gov.au/disasterhelp](http://www.qld.gov.au/disasterhelp)

## Sampela infomesen moa

Gavman Queensland i save givim sevis bilong tanim ol tok na bai ol man i ken kisim ol stori long ol disasta, ol grant o sapos long tok ples bilong ol yet.

Ringim **1800 512 451** na askim man o meri bilong tanim ol tok i go long tok ples bilong yu o ringim Community Recovery Hotline long **1800 173 349**.

